

SJKC Chi Wen, Labuan International School Hebat Akuatik



13 Februari – Bertempat di Kolam Renang Labuan International School (LIS), pasukan renang dari sekolah SJKC Chi Wen dan Labuan International School (LIS) telah mengungguli Kejohanan Akuatik Majlis Sukan Sekolah-Sekolah (MSS) Wilayah Persekutuan Labuan Kali Ke-16 2017.

SJKC Chi Wen berjaya menggondol 10 pingat emas, 2 perak dan 3 gangsa untuk muncul juara kategori Sekolah Rendah. Sekolah Kluster Kecemerlangan SK St Anne tidak kurang hebatnya dengan 8 emas diikuti tempat ketiga SK Pekan Dua 3 emas 12 perak 6 gangsa.

Tuan rumah iaitu LIS terlalu hebat untuk dicabar dengan Sekolah Menengah lain dengan menggondol 24 emas, 19 perak

dan 15 gangsa. Naib johan SM St Anthony dengan 9 emas dan 1 gangsa, tempat ketiga SM St Anne 9 emas.

Atlet Harapan MSSWPL – murid SK Pekan Dua, Arhadin Prome, 8 emas 2 perak di 50th Sabah Age Groups.

Anugerah Atlet Cilik Terbaik – murid SK Pekan Dua, Joramli Soni, 8 tahun.

Adik Bryan Bao Yang dari SM St Anthony memenangi 4 pingat emas dan 1 rekod baharu kejohanan.

Anugerah Khas Keluarga Aktif Akuatik – Abdul Kahar Abd Rahim (Penolong Kanan Kokurikulum SK Pantai) dan Dalilah Desa (Penolong Kanan Kokurikulum SK Membedai).

Kejohanan Akuatik Majlis Sukan Sekolah-Sekolah (MSS) Wilayah Persekutuan Labuan Kali Ke-16 2017 ini dianjurkan oleh LIS dan SK Pekan Dua.

Majlis penyampaian hadiah telah disempurnakan oleh Ahli Parlimen Labuan Datuk Rozman Isli.



SK Bebuloh dan SM Sains Juara Keseluruhan Merentas Desa MSSWPL 2017



Tahniah diucapkan kepada SK Bebuloh dan SM Sains Labuan yang telah menjadi juara keseluruhan Merentas Desa Majlis Sukan Sekolah Wilayah Persekutuan Labuan (MSSWPL) 2017. Kejohanan berlangsung pada 11hb Februari bertempat di Padang Majal, Pohon Batu.

Kategori Lelaki 12 Tahun Ke Bawah

1. SK Bebuloh
2. Sk Lubok Temiang
3. SK Pantai

Kategori Perempuan 12 Tahun Ke Bawah

1. SK Bebuloh
2. Sk Lubok Temiang
3. SK Pantai



Kategori Lelaki 15 Tahun Ke Bawah

1. SMK Labuan
2. SM Sains Labuan
3. SMK Taman Perumahan Bedaun

Kategori Perempuan 15 Tahun Ke Bawah

1. SMK Mutiara
2. SM Sains Labuan
3. SM St Anne

Kategori Lelaki 18 Tahun Ke Bawah

1. SM Sains Labuan
2. Kolej Vokasional Labuan
3. SMK Taman Perumahan Bedaun

Kategori Perempuan 18 Tahun Ke Bawah

1. SM Sains Labuan
2. SMK Labuan

3. SM St Anne



**Bengkel ADD BH bantu proses
PDP. Guru di Labuan
manfaatkan pendedahan
format terkini UPSR**



Panjangkan masa serta dianjurkan dua kali setahun. Demikian harapan warga pendidik dari pulau bebas cukai ini yang menyertai Bengkel Akhbar Dalam Darjah (ADD) 2017 anjuran akhbar BH dengan kerjasama Pasukan Guru Bahasa Melayu Sekolah Rendah Wilayah Persekutuan Labuan dan Jabatan Pendidikan Labuan, di sini, kelmarin.

Seramai 120 peserta terdiri daripada guru Bahasa Melayu dan Matematik di wilayah ini menyertai bengkel berkenaan yang dikendalikan penceramah berpengalaman merangkap penulis sisipan Didik BH.

Guru Bahasa Melayu Sekolah Kluster Kecemerlangan Rancharancha, Rositah Abd Rahman, berkata beliau sanggup mengikuti bengkel itu di Kota Kinabalu pada tahun lalu kerana pengisian diberikan penceramah mampu diaplikasikan kepada murid.

Katanya, apabila mengetahui bengkel berkenaan akan diadakan di wilayah ini, beliau tidak melepaskan peluang untuk menyertainya sekali lagi.

Beberapa guru lain yang ditemui juga sependapat, bengkel itu terbukti memberi ilmu tambahan dalam aspek pengajaran dan pembelajaran (PDP).

Guru Matematik Sekolah Kebangsaan (SK) Pekan Satu, Zainol Anuar, berpendapat bengkel itu memberi input mengenai

format baharu bagi subjek berkenaan daripada penceramah berpengalaman.

“Pengkongsian mengenai cara pemarkahan boleh digunapakai oleh guru untuk diajar kepada murid,” katanya yang berharap masa penganjuran bengkel dapat dipanjangkan bagi membolehkan guru mendapat lebih banyak input dan ilmu tambahan membabitkan subjek yang diajar.

Penyelaras Program Cikgu Hasnan Saad.

Dipetik dari Media Berita Harian : 25 Januari 2017

Merentas desa ke 7 SK Pantai sukses



21 Jan 2016 – Seramai 450 murid mengikuti aktiviti merentas desa kali ke-7 sejauh empat kilometer yang

bermula di Padang Majal Pancur Hitam, Kg Pohon Batu yang melibatkan murid tahun tiga hingga tahun enam. Majlis penutupan telah dirasmikan oleh Guru Besar SK Pantai, Mahani Hj Hussin. Menurut Mahani, aktiviti merentas desa merupakan acara tahunan yang diadakan sebagai acara pembukaan aktiviti unit kokurikulum sebelum kejohanan olahraga tahunan berlangsung.

“Antara objektif aktiviti dijalankan adalah untuk memupuk silaturahmi di kalangan murid dan warga sekolah. Malah aktiviti seperti ini dapat membudayakan gaya hidup sihat dan dapat mencungkil bakat baharu di kalangan warga sekolah dalam olahraga”, katanya.

Majlis turut dihadiri oleh Penolong Kanan Pentadbiran Faridah Amit, Penolong Kanan Kokurikulum Abdul Kahar Abdul Rahim, Penolong Kanan HEM Azlina Abdul Garip dan Penolong Pendidikan KHas Halifah Salim. Majlis Penutupan diakhiri dengan penyampaian pingat dan hamper kepada para pemenang.

Johan keseluruhan dimenangi oleh pasukan Rumah Merah, manakala naib johan dimenangi oleh Rumah Hijau dan tempat ketiga jatuh kepada pasukan Rumah Biru.

Dipetik dari Utusan Borneo

Program Transisi Tahun 1 SK Pekan Dua



Pengarah Jabatan Pendidikan Labuan Raisin Saidin telah menyempurnakan Majlis Penutupan Program Transisi Tahun 1 Sekolah Kebangsaan Pekan Dua (SKPD) di Dewan Gemilang SK Pekan II, Selasa lalu.

Seramai 107 murid Tahun Satu terlibat dalam program itu yang bermula jam 8 pagi. Mereka mengikuti pelbagai aktiviti termasuk nyanyian, sukaneka, pertandingan membina akuarium, belajar abacus dan projek menanam taueh pada 3- 13 Januari lalu.

Murid- murid bersama guru- guru dan tetamu menyanyikan tiga lagu patriotik iaitu Negaraku, Wilayah Persekutuan Maju dan Sejahtera serta Gemilang disusuli bacaan doa oleh Ustaz Aska Achbar dan Bacaan Ikrar Murid oleh Mohamad Zakry Zaquan Shaiful Rizal.

Turut berucap pada majlis itu ialah Penolong Kanan Pentadbiran Hajah Tengku Yasmin Tengku Ibrahim yang mewakili Guru Besar Awgku Damit @Ak Chuchu Pengiran Mohd Yassin.

Selepas ucapan Raisin, majlis itu diserikan dengan persembahan Multimedia Minggu Transisi 2017, persembahan nyanyian solo murid dan penyampaian cenderahati transisi (wakil ketua kelas dan penolong).

Turut diadakan, penyampaian hadiah pertandingan membina akuarium yang dimenangi Nur Soleha Delminda (1B), Mersa Elson (1B) dan Aedrey Reymil (1T).

Empat murid pula menerima hadiah Murid Contoh Mengikut Kelas iaitu Nur Syahirah Ramdhan Dzulfikar (1Z), Jimmy Jemsin (1T), Nur Nia Ramadhani Rhadmil (1B) dan Nur Felisyah Qedryna (1M).

Manakala Anugerah Murid Terbaik diberikan kepada Alexandra Hazel (1T) dan Mohamad Zakry Zaquan Shaiful Rizal (1Z).

Empatbelas murid Tahun Satu yang lahir pada bulan Januari turut teruja apabila pihak sekolah meraikan mereka dengan acara memotong kek sambil disaksikan ibu bapa dan guru-guru.

Mereka ialah Muhammad Aiyub Ismail (1Z), Nur Alissa Najira Abdul Taha (1Z), Nur Aqilah Damia Mohd Daud (1Z), Nur' Alya Dania Syafiqah Muhammad Shah (1Z), Putri Alisya Abdullah (1Z), Mohamad Adizan Masrin (1T), Nurul Hazira Nasip (1T), Adi Putra Isma Khairuddin Augustine Abdullah (1B), Al-Fazeer Abdullah (1B), Muhammad Alif Mukhriz Abdul Mukim (1B), Nazrin Raja (1B), Nurul Syazwanie Abdullah (1B), Mohammad Firdaus Mat Sam (1M).

Majlis itu diakhiri dengan persembahan murid, Madley Pokok Mulberry dan 5 Buku serta sesi bergambar.

Selepas rehat, ibu bapa mendengar Taklimat KSSR Semakan 2017 oleh Penyelia Unit Sains dan Matematik Irham Hamid dan Program Bakti Linus Tahun 1 oleh Ketua Unit Linus Afandi Nasir.

Raisin berharap ibubapa akan terus memberikan kerjasama kepada pihak termasuk memastikan kehadiran penuh anak mereka ke sekolah selain hadir pada program anjuran sekolah dan PIBG.

“Sudah tentu pihak sekolah memerlukan kerjasama dan komitmen ibu bapa dalam menjayakan program anjuran sekolah dan PIBG”, Encik Raisin Saidin.

Beliau turut mengucapkan terima kasih atas komitmen guru-guru yang menjayakan pelbagai program sepanjang tahun lalu.

Sementara itu, Tengku Yasmin merakamkan ucapan terima kasih kepada ibu bapa yang memilih SK Pekan Dua sebagai pilihan mereka menghantar anak ke Tahun Satu sekaligus menjayakan slogan sekolah ‘Labuan Hebat, SK Pekan Dua Gemilang’.

“Program transisi adalah untuk memberikan pengalaman awal kepada murid agar mereka lebih yakin dan berdisiplin sepanjang tahun 2017,” katanya.

Turut hadir, Ketua Unit HEM Haji Jaafar Abu Bakar, Penolong Kanan HEM Sabar Dalimin dan Penolong Kanan Kokurikulum Rahman Jaafar.

**SMK Labuan dan LIS anjur
Perkongsian Amalan**

Pembelajaran Abad Ke-21..



14 Januari : SMK Labuan dengan kerjasama Labuan International School (LIS) dan PIBG SMK Labuan telah menganjurkan Perkongsian Amalan Pembelajaran Dan Pemudahcaraan (PDPC) Abad Ke- 21 yang berlangsung di Auditorium Labuan International School (LIS), pada Sabtu.

Seramai 500 orang yang terdiri daripada semua guru SMK Labuan dan LIS, Ketua-Ketua Sektor dan Ketua Penolong Pengarah BTPN Jabatan Pendidikan WP Labuan serta Pegawai-pegawai Jabatan Pendidikan WP Labuan menghadiri program tersebut.

Perkongsian tersebut telah disampaikan oleh Guru Cemerlang Sains SMK Jerlun Kedah, Norhailmi Abdul Mutalib.

Pengetua SMK Labuan, Ismail Abdullah berkata selain daripada menjadi sebahagian hasrat dalam PPPM 2013-2025 untuk mencapai pendidikan berkualiti, dalam Standard Kualiti Pendidikan Malaysia Gelombang 2 (SKPMg2) juga

jelas menyatakan Pembelajaran dan Pemudahcaraan (PdPc) merupakan perkara yang sangat penting yang menentukan standard kualiti pengurusan kurikulum sesebuah sekolah.

Katanya, Standard 4 SKPMg2 meletakkan standard 'Guru berperanan sebagai pemudah cara dalam pembelajaran dan pengajaran yang berkesan untuk memperkembangkan potensi murid secara menyeluruh dan pencapaian murid pada tahap optimum yang berterusan'.

Ismail berkata terdapat enam aspek dalam Standard 4 ialah guru sebagai perancang, guru sebagai pengawal, guru sebagai pembimbing, guru sebagai pendorong, guru sebagai penilai dan murid sebagai pembelajar aktif.

"Program hari ini merupakan satu tindakan awal ke arah memberi kefahaman yang lebih mendalam tentang amalan PdPc Abad Ke 21. Saya yakin kita semua teruja dengan hal ini. Program ini yang pada asalnya hanyalah satu program Latihan Dalam Perkhidmatan (LDP) antara SMK Labuan dan LIS, telah mendapat sambutan di luar dugaan dalam kalangan guru- guru sekolah di WP Labuan," katanya.

Menurut Ismail, penyertaan melebihi 500 orang hari ini sudah mencapai satu pertiga daripada jumlah guru di Wilayah Persekutuan Labuan.

Tambahnya, namun ini bukanlah satu program lengkap yang dapat merangkumi semua keperluan pelaksanaan PdPc Abad Ke 21.

Tentunya memerlukan tindakan susulan di peringkat sekolah terutama peringkat panitia mata pelajaran untuk membincangkan lebih teliti dan berfokus strategi PdPc mata pelajaran masing-masing melalui pelbagai medium termasuklah Professional Learning Community (PLC).



Cikgu Hailmi menerima cenderahati
dari Pengetua LIS

“Program ini hanya satu sumbangan kecil SMK Labuan dan LIS, tapi kami yakin tindakan susulan yang berterusanlah yang akan menentukan impak sebenar kepada prestasi sekolah dan WP Labuan secara keseluruhannya,” katanya.

Antara kejayaan /anugerah yang pernah dicapai oleh Norhailmi Abdul Mutalib ialah Blog Pendidikan Terbaik (Malaysia Social Media Awards 2014), Agent For National Transformation 2014 (MCMC), Blog Pendidikan Terbaik (UPSI), Peserta Program Pertukaran Guru Malaysia – Korea (KOMTEP) 2015 dan Blog Kandungan Pendidikan Terbaik (Malaysia Social Media Awards 2016).

Menurut Ismail, perkongsian tersebut antaranya tentang bagaimana guru-guru boleh melaksanakan Pembelajaran dan Pemudahcaraan (PdPc) Abad Ke 21 dalam mata pelajaran masing-masing berpandukan contoh-contoh yang pernah dilaksanakan oleh Norhailmi di sekolahnya.

Banyak perkongsian tentang PdPc Abad Ke 21 boleh dirujuk dalam laman web www.cikguhailmi.com Turut hadir Ketua Sektor Pengurusan Sekolah, Maimoon Matnoh, Ketua Sektor Pengurusan Akademik, Norismah Abd Moin, Ketua Sektor Jaminan Kualiti, Khaziyati Osman, Ketua Penolong Pengarah

BTPN Labuan, Ag Marten Abd Rahman, Ketua Sektor Pengurusan Maklumat, Samsudin Yala dan Yang Dipertua Majlis Pengetua Sekolah Malaysia Cawangan Labuan, Omar Baki Matusin.

Dipetik dari laman New Sabah Times

Gambar dari Blog CikguHailmi.com

Pelancaran Program IM Free, Program Nilam, Program Mai Tah ke Sekolah 2017



Antara aktiviti-aktiviti sekolah pada 16 Januari 2017.



oleh Guru Besar
Puan Dg.Sarifah A.Mahmod.

Pelancaran Program IM Free
SK Sungai Bedaun,



Pelancaran Program Mai Tah
ke Sekolah, Sekolah Kluster Kecemerlangan SK Ranche-
Ranche oleh Encik Busman bin Borahima.



Pelancaran Program Nilam
SMK Pantai IBWS oleh Pengetua Encik Sahar Mison.

Empat sekolah di Labuan terpilih untuk ikuti Program Sekolah Transformasi 1.0 dan 2.0



KHAIR (lima kanan) bersama penerima watakah pelantikan Program Sekolah Transformasi 1.0 dan 2.0.

EMPAT sekolah di Wilayah Persekutuan Labuan telah terpilih mengikuti Program Sekolah Transformasi 1.0 dan 2.0 sempena Kolokium Program Sekolah Transformasi (PST) 2016 yang telah berlangsung di Institut Aminudin Baki Cawangan Genting Highlands, baru-baru ini.

Dua sekolah menengah iaitu SMK Taman Perumahan Badaun yang diwakili Pengetua Jijah Mohd Suhai dan SMK Lajau diwakili oleh Penolong Kanan Pentadbiran Norain Mohamad.

Manakala SK Tanjung Aru diwakili Guru Besar Murni Jaafar dan Dg Sarifah A Mahmud selaku guru besar mewakili SK Sungai Badaun telah menghadiri kolokium selama dua hari itu.

Pada majlis itu, Ketua Pengarah Pendidikan Malaysia Tan Sri Dr Khair Mohamad Yusof telah menyampaikan watakah pelantikan Program Sekolah Transformasi 1.0 kepada

Pengetua SMK Taman Perumahan Bedaun dan Guru Besar SK Tanjung Aru.

Manakala SMK Lajau dan SK Sg Bedaun menerima Watikah Program Sekolah Transformasi 2.0.

Program Sekolah Transformasi (PST) Kementerian Pendidikan Malaysia (KPM) merupakan sebahagian daripada usaha KPM ke arah meningkatkan pencapaian murid.

Mengaplikasikan amalan terbaik dalam pelaksanaan pengurusan dan kepimpinan serta pedagogi dalam pengajaran dan pembelajaran (PdP) selari dengan hasrat yang terkandung dalam Pelan Pembangunan Pendidikan Malaysia (PPPM) 2013-2025.

Objektif Program Sekolah Transformasi ialah mengaplikasikan konsep dan amalan terbaik Sekolah Amanah di sekolah harian terpilih dengan kos pengoperasian yang lebih rendah dan membangunkan kepakaran tempatan melalui pendekatan latihan dan bimbingan yang berstruktur kepada Pembimbing Kepimpinan dan Pembimbing Pedagogi serta pemimpin Sekolah Transformasi. Pembiayaan ditanggung sepenuhnya oleh KPM.

Selain itu, menggalak dan mengamalkan pembelajaran murid secara aktif and meningkatkan pemikiran kritis dan kreatif dalam kalangan murid, pembangunan persekitaran pembelajaran yang lebih berkesan, ilim bilik darjah dan sekolah yang kondusif dan fleksibel, teknik PdP yang kreatif dan berkesan pengurusan sekolah yang cekap dan mengutamakan kemenjadian murid, peningkatan capaian dan penggunaan ICT penglibatan aktif komuniti setempat.

Hadir sama, Sahnudin Ariffin yang mewakili Pengarah Pendidikan Labuan Raisin Saidin yang juga Rakan Elit Sekolah Transformasi Jabatan Pendidikan Labuan.

Dipetik dari : **Utusan Borneo, 7 Disember 2017**

Sambutan Jubli Emas 50 Tahun SKSB Meriah



ALUMNI- alumni SK Sungai Badaun bergambar kenangan bersama Ahli Parlimen Labuan, Datuk Rozman Isli.

26 November – Sambutan Jubli Emas 50 Tahun SK Sungai Badaun (SKSB) berlangsung penuh meriah dan gilang-gemilang. Majlis yang bermula jam 10.00 pagi hingga 12:00 tengah hari di Dewan Permata, SK Sungai Badaun itu dirasmikan oleh Ahli Parlimen Labuan, Datuk Rozman Datuk Haji Isli.

Turut hadir Pengarah Jabatan Pendidikan Labuan, Raisin Saidin, Ketua Sektor Pengurusan Sekolah, Maimoon Matnoh, Ketua Kampung Sungai Badaun, Mursidi Mokhtar dan Guru Besar SK Sungai Badaun, Dg. Sarifah Haji A. Mahmud serta Yang DiPertua PIBG SK Sungai Badaun, Musmardi @ Joy Mursidi.

Majlis yang penuh bersejarah itu turut dihadiri guru besar, guru-guru, mantan guru besar dan bekas guru, alumni dan ibu bapa murid SK Sungai Badaun.

Dg. Sarifah berkata sambutan Jubli Emas julung kali diadakan bagi memperingati sejarah penubuhan Sekolah Kebangsaan Sungai Bedaun yang dibina pada 1 Januari 1966 dan telah dirasmikan oleh Menteri Kebajikan Masyarakat Sabah, Datuk OKK Haji Mohd Yassin Haji Hashim.

Katanya, sambutan Jubli Emas ini juga dapat mempertemukan dan mengeratkan semula para alumni yang terdiri daripada bekas pendidik dan muridmurid SK Sungai Bedaun.

“Sambutan ini amatlah bermakna bagi warga sekolah dalam memperingati sejarah sekolah di samping mengeratkan kembali silaturahim antara bekas guru dan murid. SK Sungai Bedaun diharap terus mekar terbilang dalam menjangkau usia 50 Tahun,” katanya penuh bangga.

Objektif perlaksanaan Sambutan Jubli Emas (1966 – 2016) ini diharap dapat memperingati sejarah penubuhan sekolah dan pencapaiannya, mengeratkan kembali silaturahim antara bekas guru dan murid serta mengisi kutipan dana untuk pembangunan fizikal dan sahsiah murid.

Sempena program itu, pelbagai acara diadakan termasuk Sukan Rakyat Jubli Emas dan Majlis Makan Malam Amal Jubli Emas.

Majlis perasmian sambutan 50 Tahun itu diserikan dengan persembahan koir, tarian sambut tamu, majlis menandatangani plak, upacara memotong kek, perasmian Tugu Alumni, Anugerah Jasamu Dikenang, cenderamata kepada mantan Guru Besar, pencipta lencana, pencipta bendera, pencipta lagu sekolah, pemakaian pertama lencana sekolah, alumni emas, penyampaian Anugerah Cemerlang UPSR 2015. Persembahan Kalam Jamaie dan lawatan ke galeri SK Sg Bedaun.

Sambutan Jubli Emas 50 Tahun SK Sungai Bedaun yang bertemakan Mekar Terbilang merupakan satu memori yang sangat bermakna terutama untuk warga sekolah, alumni dan

bekas guru besar dan juga bekas guru yang pernah menabur bakti di sekolah tersebut.

Pada majlis itu, Rozman menyampaikan sumbangan sebanyak RM8,000 kepada Pengarah Jabatan Pendidikan Labuan untuk program Pemuaafakatan Ibu Bapa dan Komuniti (PIBK) yang akan diadakan pada 26 November ini.

SK Sungai Bedaun ditubuhkan pada 1 Januari 1966 di mana guru besar pertama ialah Haji Ibrahim Abd Rahman bersama 2 orang guru dan 30 orang murid pertama. Anakanya, Hajah Rokiah menerima cenderamata daripada pihak sekolah.

Sehingga ke hari ini seramai 12 orang guru besar yang telah mentadbir SK Sungai Bedaun termasuk Dg. Sarifah Haji A. Mahmod yang melapor diri pada 10 Oktober 2016.

Dg. Sarifah sangat beruntung kerana beliau adalah anak jati Kg. Sungai Bedaun dan juga pernah mendapat pendidikan awal di SK Sungai Bedaun.

Dengan sambutan 50 Tahun ini merupakan saat yang paling bermakna untuk beliau sebagai bekas murid, bekas guru dan sekarang sebagai guru besar di sekolah ini.

"Saya sangat bertuah kerana menjadi sebahagian daripada warga sekolah sejak 50 tahun lalu. Terima kasih kami ucapkan kepada bekas guru yang pernah mendidik kami selama tempoh tersebut," katanya.

Sempena sambutan ini juga diadakan Sukaneka Rakyat yang dikendalikan dengan kerjasama antara PIBG dan pihak sekolah untuk menarik minat komuniti dan penduduk kampung Sungai Bedaun untuk mengenali SK Sungai Bedaun dengan lebih dekat dan merapatkan hubungan antara pihak sekolah, ibu bapa dan komuniti setempat.

Selain itu, turut diadakan Majlis Sambutan 50 Tahun Jubli Emas bersama-sama dengan Majlis Hari Anugerah

Kecemerlangan yang telah dirasmikan oleh Rozman yang juga Pengerusi Perbadanan Labuan.

Penutup bagi Sambutan Jubli Emas ini adalah Majlis Makan Malam Amal yang telah dikendalikan oleh Alumni SK Sungai Bedaun dan dengan kerjasama yang erat bersama pihak sekolah dengan temanya Retro.

Pengacara majlis yang mencuit hati dan pelbagai persembahan daripada Alumni dan guru serta cabutan bertuah yang menggamatkan lagi suasana majlis makan malam amal ini.

Berkenaan dengan tema sambutan Mekar Terbilang ialah hasil cetusan idea Cikgu Muhammad Rosli Yusoff yang membayangkan dari dulu sehingga sekarang nama SK Sungai Bedaun sentiasa terbilang.

Manakala untuk reka bentuk tugu pula diilhamkan oleh Cikgu Mohd Aizam Abdul Rahim.

Untuk majlis makan malam amal dengan tema Mekar Aumni 50 Tahun SKSB telah dipilih hasil ilham Mursidi Mokhtar merupakan Pengerusi Penaja Alumni yang juga Ketua Kampung Sg. Bedaun.

Semoga dengan sambutan Jubli Emas 50 Tahun SK Sungai Bedaun merupakan titik tolak untuk kerjasama antara PIBG, Alumni dan komuniti yang lebih erat agar SK Sungai Bedaun mekar terbilang untuk tahun-tahun mendatang.

Dg Sarifah mengucapkan terima kasih kepada semua pihak yang menjayakan sambutan Jubli Emas 50 Tahun SK Sungai Bedaun dan berharap kerjasama dan komitmen tersebut akan berterusan bagi manfaat anak didik serta sekolah secara keseluruhannya.

**Sumber : Utusan Borneo, 27 November
2016**